

BOSNA I HERCEGOVINA
Ministarstvo komunikacija i prometa
Direkcija za civilno zrakoplovstvo

A

C

D

H

B

**PRAVILNIK O KOMERCIJALNIM
OPERACIJAMA VAZDUHOPLOVA**



Datum: 24. januar 2006.r.
Referentni broj: 02-292.4- 66 /06
Jezik: bosanski

Na osnovu člana 16. i člana 61. stav 1 i stav 3. Zakona o upravi ("Službeni glasnik BiH", broj 32/02), člana 6. stav 1., člana 7. stav 2. i člana 11. stav 3. Zakona o vazduhoplovstvu Bosne i Hercegovine ("Službeni glasnik BiH", broj 2/04), generalni direktor Direkcije za civilno vazduhoplovstvo Bosne i Hercegovine donosi

PRAVILNIK

O KOMERCIJALNIM OPERACIJAMA VAZDUHOPLOVA

POGLAVLJE I - OPĆE ODREDBE

Član 1.

(Predmet)

Ovim Pravilnikom propisuju se zahtjevi koji se primjenjuju prilikom provođenja operacija u komercijalnom vazdušnom prevozu (avionom i helikopterom).

Član 2.

(Primjenjivost)

- (1) Propisi sadržani u Sekcijama 1. i 2. Zajedničkih vazduhoplovnih zahtjeva - operacije avionom i helikopterom (*Joint Aviation Requirements - Operations-JAR-OPS 1/3*), uključujući sve njihove buduće amandmane, primjenjivat će se prilikom provođenja operacija u komercijalnom vazdušnom prevozu.
- (2) Imaoci potvrde vazdušnog operatora izdate od Direkcije za civilno vazduhoplovstvo Bosne i Hercegovine (u daljnjem tekstu: BH DCA), prilikom provođenja operacija u komercijalnom vazdušnom prevozu dužni su se pridržavati propisanih zahtjeva iz stava 1. ovog člana.
- (3) Odredbe Zajedničkih vazduhoplovnih vlasti - Administrativni i savjetodavni materijal, sekcija četiri, operacije (*Administrative & Guidance Material, Section Four; Operations*) kao i odredbe ostalih Zajedničkih vazduhoplovnih zahtjeva na koje upućuju odredbe ovoga Pravilnika, primjenjivat će se kao preporučena praksa do donošenja propisa koji će regulisati tu oblast.

Član 3.

(Izuzete od primjene)

Ovaj Pravilnik se ne odnosi na:

- (a) operacije vazduhoplova kada se isti koriste za potrebe vojne, policijske i carinske službe, kao i prilikom operacija traganja i spašavanja.
- (b) operacije vazduhoplova kada se isti koriste za izbacivanja tereta pomoću padobrana, za letove gašenja požara i za letove povezane sa prethodnim operacijama kada se prevoze lica koja su neophodna prilikom izvršavanja istih.
- (c) operacije vazduhoplova neposredno prije, tokom ili neposredno poslije radova iz vazduha, obezbjeđujući da su ovi letovi povezani sa istim aktivnostima i u kojima se ne prevozi više od šest osoba, isključujući članove posade, neophodnih za radove iz vazduha.

Član 4.

(Pojmovi)

Pojmovi koji se upotrebljavaju u ovom Pravilniku imaju slijedeće značenje:

-
- (a) Komercijalni vazdušni transport: operacije vazduhoplova koji uključuje prevoz putnika, tereta ili pošte za naknadu ili zakup.
- (b) Rad iz vazduha: operacije vazduhoplova pri čemu se vazduhoplov koristi za specijalizovane usluge kao što su poljoprivreda, građevinarstvo, snimanje iz vazduha, premjeravanje zemljišta, osmatranje i patroliranje, traženje i spašavanje, kao i reklamiranje iz vazduha.
- (c) Zajedničke vazduhoplovne vlasti (*Joint Aviation Authorities-JAA*): pridruženo tijelo Evropske konferencije za civilno vazduhoplovstvo (*European Civil Aviation Conference-ECAC*), sastavljeno od predstavnika organa država članica, nadležnih za donošenje propisa iz oblasti civilnog vazduhoplovstva država članica.
- (d) Zajednički vazduhoplovni zahtjevi (*Joint Aviation Requirements- JAR*): zajednički standardi u oblasti dizajna, proizvodnje, održavanja i operacija vazduhoplova, kao i izdavanja dozvola vazduhoplovnom osoblju.
- (e) Zajednički vazduhoplovni zahtjevi - operacije avionom: (*Joint Aviation Requirements - Operations*, u daljnjem tekstu: *JAR- OPS 1-*);propisani standardi koji se odnose na operacije bilo kojeg civilnog aviona u svrhu komercijalnog vazdušnog transporta od bilo kojeg nosioca potvrde vazdušnog operatora.
- (f) Zajednički vazduhoplovni zahtjevi - operacije helikopterom (*Joint Aviation Requirements - Operations*, u daljnjem tekstu: *JAR-OPS 3*); propisani standardi koji se odnose na operacije bilo kojeg civilnog helikoptera u svrhu komercijalnog vazdušnog transporta od bilo kojeg nosioca potvrde vazdušnog operatora.
- (g) Potvrda vazdušnog operatora (*Air Operator Certificate - AOC*): potvrda koja ovlašćuje operatora da vrši određene komercijalne operacije vazdušnog transporta.

Član 5.

(Operativne naredbe)

BH DCA može operativnom naredbom zabraniti, ograničiti ili odrediti posebne uvjete za izvršavanje operacija vazduhoplova u interesu sigurnosti letenja.

POGLAVLJE II - PRIJELAZNE I ZAVRŠNE ODREDBE

Član 6.

(Prelazne odredbe)

- (1) BH DCA može izuzetno i privremeno odobriti izuzeće od odredbi JAR-OPS 1/3 kada je utvrđeno da postoji potreba za istim, i ovisno od ispunjavanja dodatnih uvjeta koje BH DCA smatra potrebnim u cilju osiguravanja prihvatljivog nivoa sigurnosti letenja.
- (2) Pododjeljak Q, JAR OPS 1/3 - Ograničenja vremena rada i vremena letenja članova posade vazduhoplova, nije usvojen na nivou Zajedničkih vazduhoplovnih vlasti, i u upotrebi će biti Pravilnik o trajanju radnog vremena i vremena letenja članova posade vazduhoplova objavljenim od strane BH DCA.

Član 7.

(Tumačenje)

- (1) BH DCA će naknadno objaviti prijevod JAR-OPS 1/3 na službene jezike Bosne i Hercegovine.
- (2) U slučaju nejasnoća, različitog tumačenja ili izmjena i dopuna Sekcije 1. i 2. JAR-OPS 1/3, koristit će se izvorni propis JAR-OPS 1/3 na engleskom jeziku.

Član 8.

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 02-292.4- 66 /06
24. januara 2006. godine
Sarajevo

Generalni direktor
Đorđe Ratkovića, s.r.